

Innutaasut peqqinnerulernissaat pillugu suliniutit sukkulluunniit atuuttut piviusungor-tinneqarnerinut tunngatillugu suliniutit pillugit Naalakkersuisut ataanni akisussaallutik ingerlatsisut kommunillu akornanni pituttuisumik isumaqatigiissuteqarnissaq pillugu Naalakkersuisut peqquneqarnissaannik Inatsisartuni aalajangiiffigisassatut siunnersuut, taamaalilluni ataavartumik killiffimmik nalunaarsuinerit, nalilersuinerit aammalu innuttaasut peqqinnerulernissaat pillugu suliniummi immikkoortut ataasiakkaat aaqigallerneqarsinnaalernissaat qulakkeerneqarsinnaaqullugu, kiisalu suliniutit pingaartinneqartut suliallu ingerlanneqarnissaannut naammattumik isumalluuteqarnissaq anguneqaqqullugu taakkulu peqqinnerulernissamik angusaqarnissamik kinguneqartussamik inatsisiliornermik malitseqartinneqarlutik. Naalakkersuisut kingusinnerpaamik UPA 2013-imi suliniutip taassuma inernerit pillugit Inatsisartunut saqqummiussissapput (Siumup Inatsisartuni ilaasortaataitai)

Akissuteqaat

(Peqqissutsimut Naalakkersuisoq, Agathe Fontain)

Siullermeerneqarnera

Naalakkersuisut Siumup siunnersuutaanut qujapput.

Inuit peqqissuunissaannut pilersaarut peqqissuunissamik uungaannaq isiginnilluni isigineqassanngilaq. Peqqissuunikkut ineriartorneq susassaqarfinnut pingaarutilinnut allanut kalluaavoq, tassunga ilanngullugit naligiinngissuseq pillugu apeqqut, sulisoqarnerup akulerutinneqarnera, meeqqanut inuusuttunullu suliniutit. Taamaattumik innuttaasut nalinginnaasumik peqqinnerulersinniaaraanni Namminersorlutik Oqartussani kommuninilu sulisunit amerlasuunit peqataaffigineqartumik ataqatigiissaakkamik suliniuteqarnissaq pisariaqarpoq.

Suleqatigiinnissamat isumaqatigiissutit, soorlu siunnersuummi taaneqartut, pissusissami-soortumik tapiliussaapput suleqatigiinnermut kommuninit Naalakkersuisunillu anguniarneqartumut aprilimi Ilulissani kommunit ataatsimeersuartinneqarnerisa nanginneratut. Tassani borgmesterit Naalakkersuisullu isumaqatigiissutigaaq inuiaqatigiit aaqqissuussaannikkut annertuumik ajornartorsiutaasa ilaat aaqqiivigisinnaajumallugit pisussaaffiliinerusumik annertunerusumik suleqatigiilernissaq.

Ataqatigiissaakkamik suliniuteqarnek qulakkeerneqarsinnaavoq pituttuisumik isumaqatigiissuteqarnikkut, taakkunani erseqqissumik allassimassalluni suliniummut anguniakkat suunersut, suliniummut nukissat suut akuusunit atorneqartussatut naatsorsuutigineqarnerisut, suliassanut sorlernut kikkut akisussaasuunersut, suliniummut piffissaliussaqaq, naggataatigullu nalilersuinissamat suliniuteqarnek.

Inuunerittami sulinerup qiteqqunnerani naliliinermi innersuussutit tunngavissiisimapput, Peqqissutsimut Naalackersuisoqarfimmit iliuitsit imaattut aallartinneqarsimanerinit:

- Innuttaasut peqqissuunissaat pillugu majimi ataatsimeersuartoqarnissaanik pilersaaruserneq, taakkunani oqaluuserisassat ilaat tassaalluni peqqissuunissamut isumaqatigiissutit, taakkununga ilanngullugit tamakkuninnga Danmarkimi ineriartortitsinermi atortuulersitsinermilu misilittakkat.
- Ataatsimoorussamik soqutigisani apeqqutit, taakkununga ilanngullugit pinaveersaartitsiluni suliniutit aamma siunissami peqqissuunissamut isumaqatigiissutit pillugit borgmesterit ataatsimiigiaqquneqarnerat.

Borgmesterit ataatsimeeqatigineqarneranni siunissamilu suleqatiginissaanni naalackersuinikkut takorluukkatut peqqissuunissamut isumaqatigiissutit pillugit suleqatigiinneq aallartinneqassaaq, Naalackersuisut borgmesterillu akornanni pisussaaffiliisumik suleqatigiinnermik kinguneqartussaq.

Taamatut suleqatigiinnissamut isumaqatigiissutit akuusunut tamanut nutaajummata, suliap qiteqqunnerani nalilinermi innersuussutigineqartutut, ilusissanik naqitanngorlugit ineriartortitsisoqassaaq, nuna tamaat eqqarsaatigalugu pingaarnersiuiinernik innuttaasut peqqissuunissaannik najukkami pingaarnersiuiineq ataqqillugu ataatsimoortitsilersussanik, ilutigitillugulu qulakkeerneqassaaq isumaqatigiissutit eqquutsinneqarnissaat. 2013-imut anguniagaavoq, 2013-imi pineqartunut killilikkamik amerlassusilinnut pituttuisunik suleqatigiinnissanut isumaqatigiissusiornissaq. Suleqatigiinnissamut isumaqatigiissutinut taakkununga ataatsimoorussat ukuussapput, aningaasartuutaanerusut akilerneqassasut imminermut sinaakkusiussat iluini, soorlutaaq suleqatigiinneq ukiuni aggersuni ingerlaavartumik nalilersorneqartassasoq, annertusarneqassasoq sammisassanillu amerlanerusunik ilaartuisoqassasoq.

Ilanngullugu Naalackersuisunit naatsorsuutigineqarpoq kommunit kissaatigineqartutut suleqatiginissaannik isumaqatigiissutit siumut ingerlanerat pillugu nalunaarusiortoqarumaartoq, ukimi tulliuuttumi naalackersuinikkut aningaasaqarneq pillugu nalunaarusiami.

Isumaqatigiissutit tamakku suleqatigiilluni isumaqatigiissutinut, tassa isumaqatigiissutinut inatsisitigut toqqammaveqanngitsunut, periutsit naapertorlugit suliarineqassapput.

Suleqatigiinnissamik isumaqatigiissutit taakku siunissami naliliivigineqarnerisa takutissappassuk pineqartumi inatsisiliornissamik pisariaqartitsisoqartoq, taamaasiornissamut Naalackersuisut suliniuteqassapput, innuttaasut peqqissuunissaasa qulakkeerneqarnissaat pingaarnerusutut siunertaralugu.

Siunnersuut saqqummiunneqartoq Naalackersuisut kissaatigisaannut naapertuummat, inassutigineqarpoq siunnersuut akuersissutigineqassasoq.